

山

書

山書第九卷

疏救禮臣

崇禎九年正月南吏部尚書鄭三俊疏救陳子壯曰竊
惟帝王從來舉動往往度越尋常非臣下所易窺測故
凡人臣有未窺聖慮而妄觸天顏者惡得無罪獨其不
敢欺本心不敢欺君父之一念則真可天日對而鬼神
質耳明主嘉其心之忠每不咎其言之慙即言有未當
亦往往虛受而優容之者高皇帝嘗謂侍臣曰人君深

居高位恐阻隔聰明過而不聞其過必有獻替之臣忠
諫之士日處左右以拾遺補闕言而是也有褒嘉之美
言而非也無譴責之患故人思盡竭其忠誠無有隱諱
於都哉懸韶鼓鐸之上軌矣我皇上納諫如流何曾有
厭薄讜言之意作者宗才換職一事竊賢賢于親親之
中睿慮厚仁淵微禮臣陳子壯未及仰體而輒效愚狂
一切語多切直似于過激皇上怒而罪之何敢置喙乃
臣等微窺聖慈知皇上必不終斥子壯而遂望皇上之

即釋子壯者正以其不敢自欺不敢欺君父之一念諒
皇上鑒之天下萬世亦若鑒之也何也教睦原關美德
况爵賞出自朝廷皇上欲換授則換授耳子壯豈不能
奉行惟謹以趨承聖意何故總總焉為私愛過計之舉
而介介作犯顏拂忤之說哉想其考古證今實見列聖
約束宗藩之意正為本支百世之誅如趙關奏授之禁
王親任京官有禁外官交通藩府有禁蓋不勝其難其
慎矣義在世宗朝隰州王府輔國將軍成鉏汙恭知州

鍾英因有舉察州縣官之請都御史王廷相言國家優
禮宗藩寵以祿秩而不做事推誠有深慮若挾持有司
短長欲許之糾察州縣是豈祖宗防微杜漸之意請寢
其奏上竟從其言今子壯所爭之事雖殊其防微杜漸
亦猶是也觀其言曰寧冒昧竭其狂瞽無畫諾模稜欺
此心以欺皇上一片癡腸萬非得已臣等故謂皇上必
不終斥子壯而望皇上之即釋子壯也臣等竊見皇上
廣求直言一時承風向指者紛然並進皇上且不難破

格旌聽以示格徠宜其以大臣之極思行謀國之危論
感激披陳有如子壯而不蒙皇上之優容者是以敢合
詞懇陳蓋望皇上鑒其心而宥其愚并寬其泥古之罪
不獨為釋係之請而已

治亂之機

二月工部侍郎劉宗周疏言臣嘗讀史至唐德宗一再
播遷天下之勢幾于萬難措手而其臣陸贄所以啟告
其君者獨本之六經仁義為一時強明自用之藥卒以

再造唐室職乃知聖人之道可以治世雖其君庸主也
而其臣用之其効不旋踵况聖明在御之日乎職是以
慨然竊有請也今天下內外多事相繼十餘年才茲矣
乃者勦寇之局聚天下多兵多餉馳驟五省之地竟不
能挫一狂鋒而且南窺江北北補至煩聖天子焦勞于
上遊居便殿減饌徹樂為修弭計庶幾天心有厭亂之
期乎然職聞之治亂之幾係乎事始皇上而誠計及于
封疆則廟堂之上有先受其弊者矣不懲前事之所以

夫而終無以握轉亂為治之術職請推望工修弭之意
而頌言之我皇上以不世出之資際中興之運即位之
初銳意太平直欲躋一世而唐虞三代之甚盛心也而
至于二帝三王所以治天下之道猶未暇一一講求致
施為次第之間多有未得其要領者于是首屬意邊疆
而賦臣遂以五年之說進是為禍胎已已之役謀國無
民震及宗社朝廷始有積輕士大夫之心自此耳目恭
于近侍腹心寄于干城治術尚以刑名政體歸之叢脞

天下事有不覺日底于壞者故自厲衛司譏訪而告訐
之風熾自治獄及士紳而堂廡之等夷自人人救過不
給而欺罔之習轉盛自事事仰承獨斷而諂佞之風日
長自三尺之法不伸于司寇而犯者日衆自詔旨雜治
五刑歲躬斷獄以數千計而好生之德愈泯自刀筆治
行一倫而王言褻自誅求及瑣屑而政體傷自叅罰在
錢糧而官愈貪吏愈橫賦愈逋自敲朴日煩而民生愈
悴自嚴刑典重斂之因而天下盜賊蜂起自總理任而

臣下之功能薄自監紀違而封疆之責任輕自督撫燕
權而將日懦自武弁廢法而兵日驕自將懦兵驕而朝
廷之威令弁于督撫自朝廷勒限滅賊而行間日殺
良報級以倖免無罪使生靈益塗炭事急矣聖衷獨斷
一旦撤總監之任重守令之選丁呂旌之檄收酷吏之
威維新之政次第方興與二三臣工洗心滌慮以聯恭
友不意君臣乃相遇之難也得一文震盪之賢而竟以
卑詞報罷使大臣失和衷之誼得一陳子壯之忠而又

通懃坐奉使朝守無吁咈之風此其所關于國體人心者又非淺鮮也于是求治愈設紛更四出而并雜流咸得操其訛說投閒抵隙以希進用而國事愈不可問凡若此者在皇上不過始于一念之矧枉而積漸之勢釀為厲階遂幾于莫可收拾則今日將亂為治之幾斷可識矣夫皇上之所恃以治天下者法也而非所以法者也所以法者道也如以道則必首體上天生物之心以敬天而不徒備用風雷則必重念祖宗監古之統以率

祖而不宜輕言改作則必法堯舜之恭已無為以簡要
出政令法堯舜之從欲而治以忠厚培國命并法三王
之發政施仁與議掄循以收泮渙之人心而且還內廷
以掃除之役杜後世宦官之釁正懦帥以失律之誅杜
後世藩鎮之釁慎宗賢以授職之違杜後世宗藩之釁
除此大釁而國家苞桑之業已在世世又何虞乎內外
之變顧此蚩蚩潢池言勅言撫總非定筭皇上但下尺
一之詔痛言前日所以致寇之由與今日不忍輕棄斯

民之意及遣廷臣賁內帑巡行郡國為招撫使以招其
無罪而流亡者一面陳師險隘堅壁清野聽其窮而自
解乘蹠誅暴之外猶可不誅一人不損一夫而畢此役
自此四夷知中國有聖人將聞風慕義之恐後而又奚
煩于觀兵乎哉此聖人以道治天下之明效也抑職聞
之有天德者便是王道其要只在慎獨故聖人之道非
事事而求之也職願皇上視朝之暇進近儒臣聽政之
餘蒞披經史日講求二帝三王之學求其所為獨體而

慎之則中和位育庶幾不遠于此而符之矣

陳言求進

二月淮安草吏陳政新跪門上疏時授吏科給事中御
史詹爾選進言曰臣聞天下所以長治而不亂即亂而
可復治者非水勢之中易于整齊由于心志之定也民
志之所以定者非知之不能謀力之不能角由于是非
之一也是非一則凌競息紀綱振而國勢以之壯矣故
孔子曰天下有道則庶人不議而孟子曰處士橫議歸

本于聖王之不作明乎議論之關于世道人心者大也
職請先言職掌而後歷思忠可乎請按高皇帝欽定御
史職掌內一段凡文武大臣果係奸邪小人構黨為非
擅作威福紊亂朝廷致令聖澤不宣災沓屢見但有見
聞不避權貴具奏彈劾此為大臣言之也一款凡百官
有司才不勝任猥瑣關并善政無聞肆貪壞法者隨即
糾劾此為庶僚言之也一款凡在外有司擾害民貪職
壞法致令田野荒蕪民人受苦者體訪得實具奏提問

此為外臣言之也一教凡學術不正之徒上書陳言變
亂成憲希求進用不過倖得一官何至著為誨訓與大
臣及內外諸司并飭之也高皇帝之意總為成憲慮用
為奔競者嚴耳夫人惟不奔競于利則已耳端一教則
何念不萌將何人不可效何言不可發于是祖宗之典
制可以不畏聖賢之詩書可以不遵舉世之人才可以
一口罵盡而黑白不分如近者陳啟新獨違時尚一疏
亦或從憤激中來然何至論及制科與推知不肯出脫

一人甚而為清官亦不下教百甚而欲大將登壇以尚
方劍截有司創此無例之論也高皇帝自洪武十八年
定設制科以來迄今近三百年從無廢弛間有大故次
年即為補行豈不偶行微辟而畢竟制科為正孝廉為
副者亦明知井田封建終不可以治今日之天下耳以
故名卿碩輔與夫排大奸定大難之臣科目十嘗八九
即從祀五廟者四居其三此外猶不可勝舉焉嗟乎士
何嘗盡負國家也故謂科目盡賢固偏辭也皆不肖豈

遂為公論我即謂有不肖誠確論也謂盡無賢寧遂非
誣構乎且以事二祖十一宗而有餘者乃謂以事皇上
而不足皇上雖神聖天縱亦未嘗以此言輕天下士而
何啟新之固念也天地如此其大矣臣僚如此其衆矣
皇上而進一啟新以愧服諸臣豈足為異哉所慮者天
下之為啟新者不少耳蓋難定而易亂者人情之恒也
况五方雜處之人如治亂絲雜不欲富貴誰不懷私恩
誰不畜嗔眦首遂隱衷之求寧顧盛德之累而况四方

得食之徒果足而至者人不知凡幾聚天下豪傑之徒
處于共城囊空望長作何散遣不審皇上何以處此也
當此内外交訌民之洶洶思亂已不忍言皇上即十分
鎮靜百計輯寧謹守成憲以御群蒙猶凜凜如朽馭奈
之何勿深長思也為今之計願上立召九卿科道令啟
新觀而激陳罄其底蘊共使廷臣見其言論風采果有
他長然後天下之人知啟新特達之遇本不偶然庶幾
弱植思酌者或抱慚而退以後陳敷正道併訴干已重

事外一切詭說勦辦梯榮干澤及懷挾私意潛行薦劾
者張教納言直鼓等臣不許封進援據恣肆者從重叅
究并祈速敕各撫按榜示通衢使曉然知皇上慎重名
器鑒別是非之本心庶人心漸定而亂源漸塞矣職非
不知目前急務無如流寇但兵難運度語亦無敢襲陳
職不必言也惟此一著視流寇更隱而關國家安危更
大又係臣職掌敢效其愚忠如此且職于是而有慨
于冢臣謝陞者為皇上持用舍之術者也雖皇上偶擢

啟新原無旁濫何所不可獨是啟新立命之得則法言
可以相正異言亦可以相成乃違之逾月竊然無聞其
以將順得人矣反以可與忠言可與深言之皇上顧坐
失機會視匡救為第二義將如天下萬世何有李化龍
之慙直被謫而不知申救有啟新之狂誕蒙恩而不知
駁明職誠不能為冢臣解而輔臣涇體仁等之尸素可
愧又不待言矣職干冒宸嚴字稍逾限統祈聖明鑒宥

焉

對揚堯舜

三月工部右侍郎劉宗周疏言臣方厯崇間捧誦明綸仰見皇上虛懷盛節雖于微臣之言出于狂瞽之極者猶然不廢採擇至遇事商榷若家人父子之告語而止許臣以硜硜之能臣乃不覺撫心欲絕繼之以輟轉迴環而猶不容已于對揚之忱也臣請以堯舜之道進夫堯舜之所以為聖者非以其事業之魏煥也歟哉而本之乃在十六字之傳不過致謹于人心道心之辨求

其所為中者而執之由是以之官人而知入則哲以之
治天下而安民則惠極其效至于黎庶風動蠻夷率服
堯舜之道所謂約而易操者如此我皇上英明不世出
又生而遠乎聲色貨利之習固已完具一堯舜之心矣
惟是人心道心不能無倚伏之機純出于人心而過不
及之端已授之政事之地即求治而過不免于害治者
有之而吾故不自知也時時而提醒之曰得無與治同
事歟此一念謹凜道心為主皇上已一日而堯舜矣今

曰堯舜事業詎不願慕又若姑自退託焉何也無乃徒
求之事業之著而反失其心源歟夫事業至堯舜而無
以加矣然夷考其時洪水為災昏墊遍天下又乘之以
有苗之亂當不減于今日之勢而堯舜不以其故貶聖
亦止持此執中之心法勞于求賢而用之以坐待昇平
計其時已不啻數十年久矣皇王而誠以堯舜之心為
心政不必預期其事業而轉生一退託之心以為不可
幾及也惟是有君無臣千古同志若明諭所云貪欺成

習真不道自道奔鉞而臣以為轉移化導之機終不外
入主之一心漢臣賈誼有言視之以犬馬彼將犬馬自
為也視之以奴隸彼將奴隸自為也然則視之以股肱
心膂彼未有不股肱心膂自為者也雖堯舜之時豈無
巧言令色孔壬其人而顧以為不足畏一時君若臣為
廢歌喜起于一堂之上而已流寇為之中原毒也原其
初周朝廷赤子也語曰撫我則后虐我則仇皇上但心
死舜之心不患寇之不還為吾民也夫宋代不必備有

宗藩方鎮宦官之釁而邊疆之禍實起于王安石一時
君臣驟起幽燕之謀勢不得不加賦病民于是君子競
起而爭之爭之不得而黨論興空國之禍作嗣至蔡京
用事決計圖遼卒見賣于金人而宋遂南渡此所謂開
門揖盜也自此諱言恢復國勢奄奄猶賴朱呂諸大儒
道學一綫相與彌縫闕失卒迄南宋之業衰二百年至
航海之後文信國且奮起而扶三百年已絕之經常一
時人心風俗之厚又有如此者則亦千古得失之鑒也

今天下自皇祖以來不孝有朋黨之說在魏之亂首殺
天下之學孔孟者而一網空之謂之門戶自此人人知
利祿不知廉恥知身家不知君父士風之壞有由然矣
今聖明在御漸開蕩平之路而葛藤未斷媒孽時開終
致人才之落落望上試鑿及宋事請以堯舜之道率天
下使天下皆學為孔孟永杜朋黨之說于是廣起廢之
途酌薦舉之格并絕天下希旨生事紛紛上書媒進者
庶士風丕變而國事可圖也總之天下之事從本原上

為之則事不勞而功集自教化中流出則神不役而知
周者堯舜事業所以上下與天地同流也故大君志定
而後天下之治成天將以再開唐虞之治惟是皇上永
堅厥志而已

看詳票擬

四月大學士錢士升疏言昨蒙發下武生李雄致足國
一本御批改票此票乃臣所分擬愚昧鹵莽無當聖心
臣不勝惶悚當即隨有臣商酌另擬恭進矣乃臣原票

實出血惻有不敢不為聖明忠言者臣惟自流寇蔓延
所在蹂躪望上憫生民之憔悴恐吏治之貪殘因陳政
新直言擢置省垣寧遂謂其言之真為確論哉毋亦借
此以磨礪縉紳動其愧懼耳乃比來借端倖進者寔繁
有徒末有如李璉之誕肆者本內言縉紳豪右輸官而
啟行者實藉設之法此皆衰世之亂政載在史冊目不
忍觀者而敢陳于聖明之前小人無忌憚一至于此真
所謂讒說珍行震驚朕師不容于堯舜之世者也其曰

縉紳豪右之家大者千百萬中者百十萬以萬計者不能枚舉臣不知其所舉何在就江南論之士民富家數畝以對大率以百計者十之六七以千計者十之三四以萬計者千百中無一二耳江南如此他省可知而乃動稱千萬百萬即敵國之富不克至此何誕妄也其所惡于富豪者為其兼并小民魚肉鄉里耳然郡邑之有富豪亦小民之利也何以言之凡富家必有莊家有莊田必有佃戶佃戶力田完租以便富家納糧稅而因收

其餘以養八口至于禘事方興膏肓不接之際則富家
出母錢以貸之而商賈之擁厚皆者亦以質庫應民之
急且富家之用物也宏凡養生送死賓客游觀之費百
工力役皆仰給焉則是富家者固窮民衣食之原也不
寧惟是地方水旱則有司檄令出錢儲粟平價均糶以
濟飢荒一遇寇警則令集莊客繕器械以助城守捍禦
之用即今日因糧輸餉富家居多而潁川士民李相常
謙以家丁一千協力捍賊事尤較著故富家者非特小

民倚命亦國家元氣所關也周禮荒政十有二保富民
一焉乃以兵荒之故歸罪于富家之腹削議括其財貨
而籍沒之此秦皇所不行于寡清漢武所不行于卜式
者也有是理哉今天下自秦晉楚豫以及江北郡邑土
寇竊發已無寧宇未蠢動者止江南數郡耳即被寇地
方所與有司共守孤城者僅一二縉紳及民之稍有身
家者耳若此議一倡在在生心是使無賴亡命之徒相
率而與富家為難也是使海內之縉紳豪右富商大賈

盡化而為窮民也不驅天下之民胥為流寇不止大亂
之作必自此始矣我皇上同治郵民方將比隆堯舜而
小人進言乃欲與亂同事臣切痛之且從來盜賊劫掠
必備富家為口實而後疾貧姦亂之民從而和之或縱
此輩為流賊腹心倡此橫議以搖動人心則其包藏禍
念豈直借端倖進已哉此事關係治亂不小而看詳分
屬臣手故不敢不盡其忠

輔臣去國

四月御史詹爾選疏言頃臣具疏駁陳啟新因而責備
冢臣與諸輔臣蓋為大臣擔荷不力徇默不言而發也
乃近聞邸報大學士錢士升有微臣職分看詳等事一
疏奉旨詰問臣不勝驚異及得輔臣與李璉疏合觀之
而後知輔臣有不忍不言之情且有不得不疾呼之勢
也俄而輔臣引咎求斥矣俄而遽奉四筵調理之旨矣
明乎輔臣之以票擬去執爭去也夫大臣所以不肯言
者其原在不肯去耳今輔臣肯言矣去矣上可對九廟

之式愬下可實後世之清議隱以去就悟明主顯以氣
節風百僚臣實榮之而猶不能不為朝廷惜此一舉也
蓋皇上所不滿于輔臣者為其以心膂之臣而致疑乎
聖明之主耳臣則有說焉孔子曰君有爭臣父有爭子
夫臣子之有諍皆從疑起也不疑而又何諍古來一德
之世孰如唐虞維時非陶天知人安民之謨而禹輒曰
惟帝其難之然則千古以上之能疑其君者莫如禹而
舜未嘗以是貶聖且鯀鯀焉惟恐禹言之不盡也故從

顯處諫者小臣之事也而從疑處諫者是謂幾諫此真
大臣事而不意其以過慮無當于皇上也且輔臣者所
言者為何事乎孝雖不識皇上為堯舜之君而敢導以
非情非法荼毒富民鄉紳從來庸主所不屑為之事此
闕一錯大亂將興正輔臣憂心如焚之時而又忽奉有
改票之命因是揣摩未當亦由驕懼愈深遂不覺抗章
之汲汲耳臣愚謂輔臣此舉差強人意皇上方嘉許以
示鼓舞之不暇顧以為相疑以為要譽耶夫人臣無故

而敢疑其君非忠也若乃全不敢疑謂吾君為萬舉萬當以是為信其君者恐只容悅之惜名亦非忠也人臣而習于沽名義所不敢出也乃人主不以名譽鼓天下使其臣爭為尸位保寵習成寡廉鮮恥之世界又豈國家之利也况今天下疑望上者恐亦不少矣何以天下人對望上皆中材以上之品也知常而不知變知平而不知奇知法後王而不知道遠代如尚方劍不靈將卒驕懦日甚聖慈恩禮感激咸于斧鉞也而人見億萬

之生靈徒以供餼給之逗留貪冒 則疑過于右武穿
札與操觚並課非是者不錄聖意取聰明才伎分注于
駢射以助武臣之不振也而人見賣牛而買馬絀德而
齊力徒使強弛涸迹于道途而文兄莫必其子弟則疑
緩于教文兄觀之說行上意在增甦民困臣亦以為甦
民困也而或疑朝宗之大義不值教萬路費之金錢駸
問之事日煩上意在痛懲奸頑臣亦以為懲奸頑也而
或疑明啟之刑書能當幾番加等之紛亂其君子憂駭

策之無當其小人憂陷累之多門明知一切苟且之政
或拊心愧恨或對眾歎歎種種隱情有難殫述輔臣不
適偶因一事代天下而發憤耳而竟鬱志以去也輔臣
之去也以言而自後大臣恐無敢復言矣大臣不敢言
而小臣愈難望其言矣所日與皇上言者惟此苛細刻
薄不識大體之徒似忠似直如狂如癡信則挺身招搖
敗則潛影遁竄駭心志而燭耳目毀成法而釀隱憂天
下事尚忍言哉伏乞皇上以遠大宅心以簡靜率憲責

大臣弼違之義作言臣敢諫之風嚴勅內閣下部院大
臣不得以去輔士弁為戒寧獻可替否無藉口聖明獨
斷掩皇上之謙冲寧進禮退義無藉口君恩未酬飾自
家之滯滯務期上下交格志氣聿新予以觀廓清平治
之猷戒網紀風俗之美庶幾有日矣

既入帝怒甚御文華殿召之入詞色俱厲爾選氣度從
容如故帝執訊問如何是一切苟且之政爾選曰數年
來皇上之所施行耶臣之所敷奏那一件不是苟且之

政即今日捐助一事也是苟且侃侃教百言帝拍案震怒爾選從容奏曰因事進言臣之職也即死于其官臣之分也臣死不足惜皇上幸而聽臣言固可為今日之用即不聽臣言亦可留為後日之思中璫環御座後噴噴唾服帝令錦衣衛繫之朝房候旨翌日着都察院議處院議罰俸三月以議語涉褒降主稿河南道學道御史張三諷三級調用茅爾選職為民

榜後駭射

五月會試二三場兼五經書義榜後試騎射

招撫肆赦

六月詔朕仰承天道撫馭萬方念此軍民誰非赤子正
因官貪吏狡年歲凶荒以致飢寒所迫甘作非為始予
一二無知漸至脅從遂求教年未無辜被戮不知其幾
矣朕痛心惻念寢食靡寧目今在豫者已困餓深山在
陝者已零星竄伏行將大兵加勦必定玉石難分向雖
諭旨特頒指示生路猶恐各官奉行未善若輩猜懼多

端或疑將領計誘殺降或疑有司分別看待或慮日後
奸棍詐害或慮目前生業銷亡種種隱情良可矜憫為
此再頒赦書遣官馳諭着各撫按大書榜示從容開道
如有悔罪投誠棄邪歸正者即稱放回難民逐一查明
籍貫在本地者編入保甲在各邑者分起護歸有舊業
者清查給還無生計者多方綏卹使安井里之樂永銷
反側之心道府有司即以難民收復多寡按棟得所為
殿最違者指叅重治其或才力出眾願向督理軍前効

用者聽其圖功自見一體叙錄如或執迷不悟怙終罔
悛彼既自外生成豈得復容覆載督理各撫卽飭勵將
士合力夾殲務期盡絕根株無滋餘孽撫順勦逆朝廷
法實無私出死入生若等機不可失併告遐邇咸使聞
知

日食測驗

七月初八日食禮部奏日食時刻孝天經等與監官所
報測驗多有未合下部議

通州重鎮

八月御史金光辰疏略通州漕運咽喉兵部侍郎仇維
楨任事伊始方冀策勵樹伐炳耀國威昨于邸報中見
其仰懇天恩俯順輿情乞留賢能內臣一疏何神色削
然也據云戎事實未深知然則致命出鎮何謂乎據云
兩邊遼潤二內臣各鎮一方尤艱拮据則維楨獨可袖
手乎且云一旦有急何以撐持然則濬濠增堞各鍊之
具抑漫無料理為他日展擔地乎且如夫恃怙是為何

語方略未覩而怯卸陰滋况內外最慮雷同附和豈維
楨之安欲希與天恩所望速提夜氣仰副重命通州北
居要害戰何以推敵守何以固圍在力圖實着無多此
一番瞻顧羞士類而誤封疆也

疏入帝怒甚召入問仇維楨甫受事任何不少容其展
布即借題沽名光辰復以進疏之意侃侃言之帝意行
廷杖會風竄陟作殿廷晝晦帝懼而止下其疏于部議
廢降三級調用

山書

卷九

三

工臣進諫

十月工部右侍郎劉宗周疏言臣于是而知小人之禍
人國無已時也昔唐德宗謂群臣曰人言盧杞奸邪朕
殊不覺群臣對曰此乃杞之所以為奸邪也臣每三復
斯言為萬世辨奸之要故曰大奸似忠大佞似信我皇
上聰明不世出之主也其于墮奸之辨何有不燭照
數計然臣觀頻年以來皇上惡私交而臣下多以告訐進
皇上錄清節而臣下多以曲謹容皇上崇勵精而臣下

奔走承順以為恭皇上尚縉核而臣下瑣屑吹求以示
察凡若此者正似忠似信之類窺其用心無往不出于
身家利祿皇上往往不察而用之則聚天下之小人立
于朝而皇上亦有所不覺矣人才之不競也非無才之
患而無君子之患也人人知有身家而不知有君父知
有利祿而不知有廉恥則亦相率為全軀保妻子之計
而已矣此今日國事之所以敗也今天下即稱乏才亦
何至盡出一二中官下而皇上每當緩急之際必依以

大任此在前日已成覆轍方亟亟更弦之不暇而乃者
三協有違通津臨德復有違益又重其體統等之總督
中官總督將置總督于何地總督無權將置撫按于何
地是豈以封疆為嘗試也且小人與中官每相比以相
為引重而君子獨岸然有以自異故自君有用小人之
君子而終無黨比中官之君子望上誠欲進君子退小
人為今日決消長理亂之機而猶復用中官以參制之
此明示以左右袒也當是時乃有明于治理者起而爭

之則亦天下之昌言也臣意皇上即不遽用其言亦何
至并逐其人而御史金光辰竟以此一事逐若惟恐傷
中官之心者尤非所以樂天下也嗟嗟言官亦何負于
國乃者唐藩拜表而勤王亦有是徐生之徒新者乎大
帥擁兵而不戰亦有問李勉之尊朝廷者乎其他觸邪
止佞諂南昌之高方者亦自不乏其人而往往逐之以
去遂至天下相顧為寒蟬結舌之狀平居無犯顏敢諫
之臣則臨難無仗節死義之士此天下事所以日壞一

日而不可為也至于近日刑政之最弊者成德傲吏也
而以眩成何以肅懲貪之令申紹芳十餘年監司也而
以莫瀆有之鑽刺成何以昭抑競之典至鄭鄭文

于鄉識而教母之獄或以無告坐何以示教倫之化此
教事者皆為教輔文震益引繩批根即向者驅除異己
之故知而廷臣無敢言者皇上亦無從而知之也嗚呼
八年之間誰秉國成而至于此臣不能不為首揆溫體
仁解笑語曰誰生厲階至今為梗體仁之謂也仰惟皇

上念亂國存者以進君子退小人為挽回世道張本于
是植人才以資幹濟開言路以斷大猷仍請急罷三協
通津之使專一責成中外諸臣各修職業不致再以人
國為僥倖則宗社生靈實式憑之而體仁所以為桑榆
之救者庶幾在此乎不然而徒計出于苟且由今之道
無變今之俗一日造氛再警捲土重來天下尚忍言哉
伏念臣羸病去國之身非不知緘嘿可以自全然熟念
今日安危呼吸之日雖江湖滿地總無投生之路即臣

不言又誰為皇上言之者臣寧言而冒斧鉞之誅終不
忍不言而坐視國家有危亡之禍也時宗周告病回籍
至天津聞警拜疏辭職

山書第十卷

江南復社

崇禎十年正月太倉劣生陳文聲上疏陳風俗之弊皆
原于士子太倉庶吉士張溥前臨川縣知縣張采倡立
復社以亂天下疏下巡按御史倪元珙察覆元珙糾文
聲妄訐謂東吳稍進之學復社為最著大都誠心質行
講執說經互相琢磨文必先正品必賢良大都陳文聲
有憾于委東欲借此以為羅織時內閣溫體仁與蘓州

士大夫為難以元珙為家飾下部誠元珙降元祿寺錄
事蘇州府推官周之夔亦訐奏張溥等結社樹黨讒刺
時政于是復社一案久延不結幸已御史金毓峒上疏
白其事始奉有朝廷不以語言文字罪人之旨給事中
姜珠既曰臣觀易之賁卦觀乎人文以化成天下而其
象曰君子以明庶政無敢折獄自古文章與獄事不多
見臣聞東南久學之士彬彬盛美爰有復社之名敢云
人盡才能要而論之闡明經史銳情講誦其間即有二

三之士懷古憂時慷慨持言扶進正論嗾犯盛臣者或亦規勉大義匡翊明時非盛世所宜諱也如以分外為狂瞽宋臣范仲淹不自其為秀才時以天下為己任乎乃自罪輔容承衣鉢事類玩儒不曰誹謗即曰結黨一事而株連無盡一人而毛疵必求嗾乎罪輔固未之深思耳夫所貴乎佐理機務者以其無可誹謗也事苟害治緘舌亂靡有底孔子曰天下有道則庶人不議此言上下之相應也上世指佞之章猶有屈軼宋時太學諸

生佐闕朝政假使大臣壅塞專固嚴極迫促民力屈絕
當時小臣不敢直言而士子代之士子不敢直言而文
章代之此亦世道之不幸而執政者之羞矣大臣返躬
修省豈盡無過若空言賈罪五陷穽穽卒使投止望門
張儉有匹魯之禍處士橫議中庸絕梁碭之迹抑亦過
矣且罪輔亦知天下之事士子不當留心誰當留心者
布衣擔簦之時未綬簪筆之日總此人才國家累世育
養幸有經濟明法之儒指陳切隱裨益上理士苟不考

古今治亂之端當日得失之故其入之賢不肖為何如也若慕仁義者號稱多事忤權奸者輒為狂生幾何不輕學校而罷師儒也不獨此也學校可輕而畏諛口者繼乃講文事師儒可罷始而廢社課者繼而壞文臣其于望上豈第作入久道化成之治不大傷哉目今鄉會兩試正人文消長之時仰祈天語申飭俾天下之士勿以復社為危機維係國運不小抑復社之禍始于周之變之誣訐張溥張溥一代著述之手砥礪名行折衷去

今不年齋志以及天下惜之昨見臺臣劉熙疏請表章
聖學孝家睿鑒併祈皇上帝以易名之典以重久學之
臣詩曰古之人無教譽髦斯士臣為皇上頌之矣

奸民訐奏

正月常熟民張從儒訐奏原任禮部侍郎錢謙益原任
給事中瞿式耜謂二人喜怒操人才進退之權賂賄握
江南生死之柄三黨九族無不詐之人與販通番無不
為之事甚至侵國帑誘朝政危社稷止因門生故舊列

于要津為究無地宦幹豪奴滿于道路減憤何由奏工
溫體仁以舊憾擬逮下刑部獄先是奸民陳履謙爭產
求二宦關說不允遂挾恨唆從儒訐奏既奉旨逮問履
謙等得志遂捏造欺曹和溫等虛詞多方嚇詐欺曹者
謂謙益作故監王安祠記曹化淳出王安門宜欺之和
溫者謂溫與謙益有隙宜和之曹化淳訪知其事而奏
奸狀命刑部尚書鄭三俊嚴審具奏陳履謙張從儒各
賚一百五十枷三月死事解

中宮壽節

三月二十八日中宮千秋節命婦尚書林欲楫等夫人
共百人入賀自西華門外下輿入門後肩輿至武英殿
門外下黎明皇后升殿諸命婦入排班下手立四拜女
官宣奠表跪班首成國公夫人入殿內致詞命婦皆跪
三叩頭起立四拜而出是日皇后母周奎夫人亦入班
朝賀畢即召入殿皇后欲設座拜之辭不許

因早清獄

四月元旱不雨下詔清獄給事中馮元飈疏言聖諭結
滯獄禁詞訟夫訟之不緝病在游移推諉駁問臣謂明
旨駁問理求其確若使善承上指何至一切從增古云
治國用輕典亂國用重典今之用重典寧曰允宜我朝
誣告之律特嚴反坐之刑正謂凶狡之尤類多先發今
非惟不禁若或招之狙檜睚眦之憤每瀆宸聽不止干
天和亦坐隳人事矣

慎喜怒以回天

閏四月右中允黃道周凱言臣坐狂瞽自廢五年不圖
殊恩又逢再遣去歲秋盡驚聞兵警匍匐入都萬里在
途經冬始到自謂七尺殘軀已非臣有項踵可効不敢
自存然自元正北朔以來依阿諛忍遂歷春夏出無一
語可報聖明入無一言可對衾影遂願往年自請使鮮
經理東江之事俱成嚙夢淚然淚下緬觀自古忠盡之
臣竭力致身有懷必盡未有自欺其心以欺其君頑鈍
不肖如臣今日者臣自度氣血已衰學問不進利疚戚

休事事創心怔忡之餘遂成痼疾正擬呼籲引身自投
溝壑而雨澤未降雲漢其勤方陛下宵旰憂念之時群
臣修省惕厲之日臣雖無知安敢自絕然觀邊圉洊蕩
寇攘滿地廉恥道衰人心盡喪非有獨立不懼有隕無
二之臣必無洒發肅心蕩除穢氣而諸臣過自慙艾苟
免朝夕無敢為陛下昌明其說者且勿論其他即如近
日中外齋宿為百姓請命與一沛澤以成麥秋如釋滯
囚斷庶獄繪監門之圖徇烹桑之請猶未足以上叶玄

載下愆若生而五日之內係兩尚書未聞有一臣僚敢
中一疏者又安望其戡亂除凶蠲冤解網積浩蕩之恩
成霖雨之業乎以陛下寬仁優容言路猶且如此蓋自
三百載十三宗已來未有士氣不揚隨風茅靡至于今
日者矣臣觀天下災祥係人主之喜怒人主喜怒係天
下之安危古之聖人喜怒行于臣鄰則臣鄰興作怒氣
行于邊鄙則邊鄙靡清詩曰君子如社亂庶遘已君子
如怒亂庶遘沮君子之喜怒皆以撥亂攻爭于其大不

之日威順反施貴賤倒置是以奸昏互煽叛逆蜂起四方潰決漸不可收元暘之極至為旱災而大小臣工猶結舌不語使陛下焦勞于上百姓展轉于下諸臣括囊其間稍有人心宜不至此也臣非言官默不違道然受特恩起自草莽雖不以言自居天下猶以言責臣近有韓愈陽城之嘲遠有孟軻蚩毒之諷自顧惕然無以自容其一二高識之士猶以臣前者開政府委卸之端後者堅詞林默之路負恩藏拙遠愧古人臣何知言臣

知有臣之心而已臣自救其心則何以事陛下惟乞賜
罷斥以激素餐之恥以發感恩之忠以垂有懷不盡之
戒臣擊壤荷榮沒齒無怨謹此奏聞

清理軍屯

閏四月巡撫陝西僉都御史孫傳廷疏言臣維人臣苟
有報君父之心必無難擔任之事苟思濟國家之事必
有可久大之圖臣本碌碌蒙恩授鉞拜命之日即聞秦
中兵馬錢糧俱在延寧甘肅四鎮而西安等府凡臣所

屬地方素稱腹裡從無額兵額餉臣遂冒昧具疏以兵
單餉詘仰祈聖聽蒙皇上召對平臺諭臣以此時措兵
難措餉又難宵旰憂思溢于天顏比部覆臣疏蒙聖恩
准臣標兵三千名給臣餉銀六萬兩奉有以後兵餉該
撫自行設處之旨臣陛辭而西夙夜凜凜殫力搜剔恨
不于無兵無餉勉尋一足食足兵之計及臣抵任查得
西安四衛原有額設屯軍二萬四千餘名固未嘗無兵
也何有兵而若無兵臣竊謂此必原額民軍尺籍徒存

餼糧莫措有兵無餉故難責以征操及查民軍額餉則
每軍約給贍地一頃固未嘗無餉也何以有兵有餉而
竟若無兵臣又謂此必原地非砂磧數澤本不可田即
易主轉售已不能闕有地而不足抵餉故不能責以騰
餉及查國初選撥屯軍田土率皆膏腴墾壤而相沿以
乘除本軍自行耕種着伍外或有轉典水種則本軍着
伍而種地之人每歲每畝出辦典銀一錢付本軍充餉
或有豪右隱占則不出典價無兵着伍衛所卑官不敢

復問而但于撫按司道操閱之時覓違而棍家僕吏應
片刻旋即散去然屯地則猶屬公田未敢私鬻隴畝所
陌固歷歷可稽也第非隱占即典種本軍自種十無一
二隱占者既種地無軍而典種與自種者亦尤而效之
以逃曠為固然故雖日取該營把總等官繩以重法而
翻習已成欲無種地之額一一責有實在之軍勢必不
能即間有實在者亦止于偶一查照倡名應名已耳或
查照稍頻已竊詛怨蓋彼視所種地久為固有而反若

未嘗給有官糧胡以相苦如此况欲實加操練驅之使
陷敵當鋒効死用命身故地養之軍竟成紙上之軍養
軍之地亦成紙上之地而皆若烏有矣臣因博考故牘
洪武年間每軍額地一頃歲徵正糧十二石餘糧十二
石盡行收貯屯倉以正糧按月支給本軍以餘糧支給
官軍糧俸餉不煩轉輸而倉廩充實兵不煩召募而士
卒精強法至善也至永樂二十年奉詔減免餘糧六石
然正餘一十八石猶然交倉按支法尚未壞也至正統

二年以正糧十二石先給本軍充餉免納免走止徵餘
糧六石入倉而屯法大壞矣至後不知何時復將餘糧
六石改為正糧一併充軍免納而屯糧既不入倉屯地
幾成私產于是投獻侵霸奸弊叢生透至莫可究詰矣
臣痛憤國用匱乏不符已履畝稅架每膏好義終事于
朝不保夕之民而朝廷額設軍屯反為豪右侵隱致使
全陝賊躡教年欲剿寇則苦于無兵欲募兵則苦于無
餉蠹國養寇皆由于此因于去年十二月檄行西亦府

推官王鼎鎮從頭清查復榜示通衢明示曉諭而舉事之初阻撓百至或有為臣危者曰屯之必不可清久矣且隱占屯田者皆豪有力者所為一行清查必觸其忌彼能以蜚語肆螫而又寔煩有徒大可畏也臣思民間私田首為大姓侵奪其家幹之忠誠為主者猶為愆官申理况豪右亦皇工之臣民謬與秦封即為皇工之家幹彼之理誣于臣而臣之權重于彼使臣畏避議諍隱忍徇縱有臣如此將焉用之且渠等各有身家即能布

散流言禍殺臣之身名必不能別發難端抗皇上之斧
鉞苟有利于國家臣以身為怨府痴迂之性生而已然
又何畏焉推官王臨鎮卓有同心力行稽核除右護衛
名隸秦府另議外先將左前後三衛占種逃亡及嘗追
免補各地查明備造格冊詳註原軍祖名原地坐落及
種地人戶籍貫一一申報到臣臣酌古準今推情定法
示以不深究已往不追奪原地正按地起課即者辦于
現今承種之人亦不重派多取臣遂依倣先朝減定之

數是別屯田等則以為起課差次而聚多益寡總以民間見行與地每畝一錢之例為準每上地一頃徵糧十八石中地仍量免三石止徵十五石下地又免三石止徵十二石每石折銀七錢每頃納銀十二兩六錢中地十兩五錢下地八兩四錢大抵中地居多而上下地俱無幾總計三衛占種逃亡嘗追免補各地已清出者共該起課三千三百二十七頃零徵銀三萬五千餘兩查民間之田責租佃戶歲入不啻數倍于此今止照此數

工納別無科擾蓋猶輕于私租逮甚自示之後人始知
寬平易從無不翁然相安臣復行王推官各照屯地坐
落州縣清造徵收文簿於西安府監收同知蓋道弘轉
發各州縣徵收是役也不呼額以窘大農不加派以屬
遺子惟是力破情面不避怨勞遂能于瓶罄罍耻之日
歲取三萬五千餘金于饔飧久饜之吻所俾于因饑加
旅兵荒交困之秦殊非淺鮮然臣未敢以此自足尚期
殫臣釐剔之初念徹底澄清務使軍無一名虛冒地無

一畝侵隱而後已再查每歲四衛額派延寧各邊班軍一萬一千餘名約該給軍屯地不下一萬二千餘頃查十年以來班軍俱未赴邊每名正解班價一兩二錢夫延寧西安總係皇上土宇而挹此注被邊使士去其九亦可歎也臣請于清出地租內動支解抵班價所餘班軍屯地聽臣選汰徵課其地內丁條布價馬草等費皆于課銀內所給所有贏餘召募精健入營應兵分別戰守二項每守兵一名約歲費中地一頃之入戰兵的

葉增加但求有濟實用不必取盈虛額即以三軍屯地之所出養戰兵二名未為不可外有各衙門人役承種屯地者容臣盡數查出照例起課即係必不可裁之役亦止每名歲給工食銀七兩二錢所餘盡佐軍需至于本軍自種屯地臣次第確查凡有逋違不願應兵及老弱不堪征戰者責令照例納課如有不願納課實係精壯堪以應兵者仍行看伍與臣募之兵一同征操如是則有一兵即可當一兵之用挑選訓練但得勝兵萬餘

愈于二萬四千有名無實之兵多矣而餉又不煩另措
將見卑墮立轉為富強居恒則用以建威消萌潛懾不
執之謀有警則用以推陷廓清力剪方張之勢何至如
向來厝火胎憂養疽致潰無事而釀成有事一遇有事
遂決裂敗壞而不可收拾乎倘臣仰荷聖靈死底成績
握三秦治安之要圖開萬世永久之大利于臣頂戴天
恩捐糜圖報之區區亦可稍酬萬一矣

回天四要

閏四月給事中李汝燦疏言臣歷觀往牒遇災而懼之
主亦比比有之然引咎多屬彌文求言亦鮮實事未有
如我皇上露禱之實惟切反躬祈天之誠直周民瘼凡
內外大小臣工暨天潢勳戚咸與鈇懲淪義併慮省心
如詔群臣直言又曰聖不自聖如此也臣愚無長慮然
儲位諫垣何敢嘿嘿竊緣今日之旱慮今日之變殆非
尋常災異也內外多致十年所矣天下財賦之地已空
其半而渴需財賦之事猶不止僅望其全又值此驕陽

赤地吳越楚豫燕齊之間不知幾千萬里是所未盡空
者殆將並盡矣夫以空國御子道當兵鋒呼吸安危在
此際是豈可不慄慄寒心哉臣日夜思維天心降害惟
天心用極可以默回則有執中之說在合則躬荷歷數
失則四海困窮死舜相傳夫豈救我今民窮極矣敢謂
非失中之漸積今欲拯民窮矣可或忘先執之冰兢霜
自天廷以至深宮日無偏視耳無偏聽心無偏主事無
偏持無偏則無危可以轉禍可以合睽蓋天下大器猶

舟也舟平則安偏則危宰舟者實右而虛左舟不得平
幾于傾覆願我皇上鑒之天下最苦不足至于歛怨于
和者非財用于財用別無足法獨恃有政事國朝的軍
民定經制千古稱善不圖後之變法者不念下民瘁痺
但云急當治標自兵不用而兵設民始不得安其身自
屯不耕而餉興農始不得有其食自有兵不練輒又增
兵而餉愈難措自有餉不覈輒又添餉而兵愈得冒而
今覈實之使紛出而抽剋兼嗜屢開清孤之今日嚴而

占兵冒軍未滅獨有盡以養無用至于形窘勢窮而窟
穴竟不得問蒙狗竟不可問可謂有政事乎若不坐簡
公忠幹辦之臣力求清核以救其弊協求長便以復其
初竊恐歛怨干和又不止于今日者願皇上遠慮之也
若國家忠賢實為元氣元氣薄則邪氣襲而成病忠賢
挫則鬱氣結而干和致古賢君遇災必求賢良方正直
言或起公忠威望之臣輔政立事乃今何如也法網密
而百慎一疎者動遭波連矣告密開而高門輒罹妖謗

端士難免含沙矣恭劾訛而清修輒被蟻斥賊陷長呼
獄底矣又有賦性忠直盡言不阿如魏星潤詹爾選李
化龍劉宗周等皆以一鳴盡斥致言路競效括囊元氣
可無挫鬱否今幸我皇上下詔凱滯獄求直言矣其禁
訛被蟻諸臣旦暮當復見天日無容再贅獨是直臣所
係更重所得實難當今之世求其為公起見不願茅靡
如前諸臣指不多在皇上倘赦其前惡收之左右則君
道聞而德業必有所賴朝廷壯而亂賊必不敢窺其為

直言不愈多乎昔淮南不畏公孫弘而畏汲黯慙直無
負人國自吾如此惟我皇上信行之也若夫補君德以
交修總庶官以康績尤在相矣相者中外安攘賴其決
策祖法朔繼兵權國體賴其匡正會推內降賴其執爭
有救彥聖賴其休咎邪黨翕訛玄黃元戰賴其力挽大
旱賴其霖雨今俱泯嘿未有與也旅進旅出朝夕矻矻
遂足稱畢業乎隻字出為絲綸片語皆關治忽必使擬
議之際真是諧至德而符天心庶幾批駁之餘乃是惟

與情而與化理不然者此暗彼顧依樣葫蘆抑陽扶陰
未忘偏黨其貽害人國何可勝道蓋自八九年間拂戾
干和之事始于揆端積于四海者不知幾許又何怪天
旱地拆日食風變之屢見哉皇上而欲求消弭政本之
地尤不可不深維之也

刑官守法

五月刑部尚書鄭三俊疏言竊惟職今以法為官矣自
當先為皇上守法顧從來持法之難緩則留獄急則失

情深則礙怒縱則生奸職今不敢緩不敢縱矣亦何必
使獄無遺情而法不失勢也惟是于萬不得已之中曲
體皇上哀矜寬恤之意而總之以清理冤滯為先在昔
國園空虛古今以為美談今日風趨日下犯科者眾放
讞諸臣又復拘牽玩忽遂致淹滯不結竊係日煩職謹
遵照敕書斟酌上請如答罪以下恩例得徑釋矣流徒
以下得減等矣情罪既不深重應候監臣候審過分別
保釋禁賊微者并釋仍候具題奉旨發落者也其未經

題請小叅犯人除重罪外內有情輕者幸逢恩例似應
遵照勅諭立與釋放免擬罪仍開具花名起數題知
軍徒以上情罪稍重或有一絃可矜者亦似當照例減
議通候監臣會審過開其略節奏聞候旨下遵行者也
此皆就衆犯而言也近來士習苟且廉恥風微文武弁
吏多罹法網誠其自取然皆曾蒙皇上敬體之人也匹
夫匹婦盡沐洪恩而衣冠士人久滯圜土應知必履聖
念請除干犯重罪者無容置喙或有無心誣誤時勢偶

艱情罪尚在可原公論未堪永棄者愍乞聖恩姑容就
外竊候恭聽處分自有應得之罪在未敢私也此皆就
見監而言也望恩寬恤于現在職猶思推廣于將來嘗
聞立國本忠厚論人先長者而浮薄喜事者黜總為培
養元氣收拾人心耳適者人趨僥倖罔顧大體告訐漸
開株蔓日盛朝端既已不靖畝畝如何得安誠不得不
寬猛兼施恩威並濟然而持刑之官嚴猛易寬平難嚴
則一意刻深無徇私之嫌無推諉之迹引繩批根何求

不寬寬則為國家行仁義為士人嚴廉耻不敢亂于法
之中又不濫于律之外反獲寬猛盡令得平乃為詳慎
而護薄瞻徇之吏痛癢不相關非敢人撓枉則自己瞻
徇寬抑愁歎之聲若罔聞知教日聞內者未出外者接
踵而入又皆不容于羈讞者刑獄何時而清請自令勅
令中外大小臣工存惻隱之實心行惻隱之實政無侮
無畏無俾小民有不白之冤勿令奸宄懷犯上之漸一
應民間訴訟在內者之五城非關重辟隨時折斷不必

一一恭送問擬在外責之撫按但有貪橫不法不時從
公收理據實奏聞間有奉旨提解者先准先與審明而
其案由摘條要犯証解京究擬不必概解職部承問司
官但係到部人犯定限十日之內即與從公問結若有
怙愾不職如明諭之所謂漏匿延勒者職即當以白簡
從事如此即不能溺教明刑仰贖刑期無刑之意而洗
冤導滯亦庶幾乎不僭不濫之風刑罰當無不中者矣
刑罰中禮樂可興人心豈有不欣暢而陽豈有不時若

者哉

府縣分等

五月給事中羣朝薦疏言民生日蹙由吏治衰也臣聞世廟當年分天下府縣列三等因地考成最為后要臣以為掣籤之法可廢而三等之例宜行極衝煩難治之地有能招徠撫字捍蔽固圉者定為一等其有富饒安靜之地中才可以自厲者定為第二至于簡僻可以臥治次為第三升逸之法隨之墮者得盡心職業而不分

山書

卷十

十

心奔競一善也朝廷得器使之宜在下免趨避之法二
善也三途可以並用資格不至困人三善也人地既已
相宜任後不許改調四善也才品已自獻而明試更能
奏功異時求閤部邊疆之才何患無人五善也吏治將
有可觀民生必且攸賴矣

溢地加派

五月給事中王猷疏言兵部尚書楊嗣昌進均糧溢地
之議戶部尚書程國祥進溢地書冊下撫按恪遵徵解

臣敢指不便有五以溢地為實耶某戶隱蔽非大加清
丈不可此時一望赤地重之騷擾一不便也以溢地為
虛耶是誰奏聞或僥倖從教或悞罹不赦二不便也計
畝定溢耶肥瘠莫辨輕重失宜三不便也計糧派溢耶
加以何名小民嗚冤涕泗四不便也遠餉新餉年甚一
年一皮兩剝五不便也望深思遠計酌議施行

進規輔臣

八月益體仁以病去編修吳偉業進規輔臣張至發曰

前事者後事之師今日膏肓之鑿取之溫體仁而足矣
體仁學無經術則當講求仁義歟達朝章體仁性習險
諛則當天志光明立身公正體仁狎暱宵人則當嚴杜
諭訛之輩體仁護持逆黨則當力繼孝忠之經毋如體
仁之泄畚偷容毋如體仁之游移飾詐庶乎聖恩可副
衆望可塞也乃積習未化近日辨揭盛稱體仁之美曰
孤執曰不戒夫體仁有唐世濟閔洪學蔡奕琛吳振纓
胡士彝之徒參贊密謀有陳履謙張漢儒陸文聲之徒

駭除異已何謂孤庇樞貳則總理可不設而事敗乃設
庇鳳撫則鎮可不移而事敗乃移何謂執皇上之決去
體仁正謂其善救耳家窩巨盜屋漏茗溪自說曰清孽
子招樞匪人入幕自說曰謹何謂不救然則首臣真以
為孤執不救乎夫使聊為嘗試之言實作更新之計臣
何敢議如其不然則必因私踵陋盡襲前人所為將公
忠正直之風何以復見乎

東宮講官

八月以明歲二月東宮出閣預定侍班誦讀等官侍班
禮部尚書姜逢元詹事姚明恭少詹王鮮屈可仲誦讀
禮部侍郎方逢年諭德項煜修撰劉理順編修吳偉業
楊廷麟林增志校書編修胡守恒楊士聰

編修楊廷麟特舉清望之臣疏云臣庸鶻下才遭遇聖
明冒列史職每周稱塞深愧無能效此犬馬復蒙恩首
以臣充東宮誦讀官臣惟看宮妙選儒者至榮臣得與
供事竭此愚誠實出萬幸既而退思之皇上聰明天授

慎擇端良其為慮深且遠庶幾必得清剛諒直博學多
聞之士以充斯選而臣碌碌材質疎淺撫躬自慚且以
臣所知伏見司經局掌局事左春坊左諭德兼翰林院
侍讀臣黃道周學術貞醇品行端潔在望工已鑒其清
望即賢者久敬為人宗愛國之忠出于誠懇自其始任
迄今十有六年守身樂貧書史之外室無長物又博覽
群書究心經務古今諸大典故靡不推研體察洞貫本
末方之古人真德秀胡安國之儔也使得與講讀之列

必有正言正事之効以臣方之萬不逮一臣不揣冒陳
乞皇上察臣至愚准臣辭免願以臣所任別簡道周必
能進仁義陳堯舜以無負皇上慎選至意臣又考祖宗
朝有洗馬司直司諫清紀等官所以隆副貳之宜廣正
直之助也望太子端位震宮庶有歲年謂宜禮取脩負
以敬曠典義資歲誦功裨高深四方聞之後世法之率
祖敬祖千古有光伏乞聖明留察時項煜亦上疏薦道
周俱發內閣

大學士張至發揭言東宮講讀等官公議推舉時于至
聖先師齋心對越每人各出一名單擇其公同商確者
入告彼時亦嘗言及道周清品但意見不無少偏如近
日三罪四恥七不如疏中有不如鄭鄮等語夫獲倫杖
母明首煜煜鄭鄭何如人而自謂不如是可為元良輔
牙又皇帝特簡王讓侍望太孫讀書謂侍臣曰孝者百
行之原朕聞讓孝于親故擢用之今煜等謂賢如道周
猶在格外煜有何德堪在選中是博讓賢之名而使臣

等冒蔽賢之愆臣等所不任受也按道周先是有七不
如之說謂品行不如劉宗周至性不如倪元璐遠見深
慮不如魏呈潤犯顏敢諫不如詹爾選老成足備顧問
不如陳繼儒樸心醇行不如李如燦傅朝佑文章氣節
不如錢謙益鄭鄞上責其不如鄭鄞為非道周復疏謂
臣與鄭鄞同官庶常時文震孟疏論魏忠賢鄭鄞抗疏
抹之削籍入山每以臣為怯臣亦愧之也每執事不能
明白輒思鄭鄞以為不如真不如也蓋以此自疑亦以

此分規非為彙臣地也上以其起廢不久姑容之至此
忘者猶以為言猶護溫體仁舊局也給事中馮元飏疏
言臣聞聖王之世公卿能讓其下皆讓是以風俗醇美
寇攘不作四裔賓服神聽和平傳曰讓者德之本也孟
子曰無辭讓之心非人也斯道不明至于邇日大臣以
訟受服小人則而效之奮臂相先不辱不饜雖仗聖明
屢申獎抑辭榮崇讓人情所難日者皇上敦重元良盛
典肇舉而東宮講讀官項煜楊廷麟後先疏請推賢自

代及于坊臣黃道周夫道周者嫉奸已甚至清無徒環
召以來閉戶却掃一時之人非不重之敬之特以道周
數忤執政引嫌棄足罕至其門二臣獨篤信舉知退然
自下使其言不用自足砥礪末俗增輝盛典為我皇上
股肱輔弼之臣者謂宜深相嘉嘆風示百僚而伏讀閣
臣張至發等慎選心矢至公一疏若夫不快于言者而
併違怒于道周則何也道周之賢閣臣固已言之矣事
親至孝天下所知直諫多聞身無擇行所不足者惟以

賦性高介不能隨時悅仰取當日大臣歡心耳閹臣何
心執之如舊一至于此若以其言之為罪則皇上業已
起田間遂其清秩教四回天皆荷優容天下萬世方頌
為主聖臣直一大盛事而閹臣乃反借此以怒道周嗟
牙道周忠足以動聖主之鑒而不能得執政之心臣恐
天下萬世有以譏閹臣之得失也夫宮僚濟濟豈盡講
讀道周即不與選而閹臣所選者亦既有項煜楊廷麟
其人在二臣為閹臣所選而能以讓賢自異不肯苟悅

于閣臣自臣而概選者亦可以無愧臣所惜者皇上方
欲懲貪而有一清者大臣又指以為偏皇上方欲抑競
而有一讓者大臣又指以為矯以人事君之効將安望
乎臣素耻雷同復羞搏擊但以公道所在自比他山伏
望皇上特勅閣臣祿愿蠲私一更往轍以清讓為必可
法以偏矯為必可師濟濟隆隆猶可立追也疏入不報
元颺因請告不允

寒審之法

十月刑部尚書鄭三俊疏言刑科抄出纂修歷法山西
代州知州鄒正中一本為敬因乾象等事奉聖旨寒審
是否有例着該部查明具奏欽此職等召集十三司官
公同確議查六曹成例備載于大明會典一書而職部
沿革亦列有刑部事宜向來止有朝審熱審與五年大
熱審之例職等欲博考典章上副欽恤而累朝寶錄藏
在內府職等無從稽覈其他野史家乘之所載恐見聞
未真不敢輕為援證但恭誦二祖列宗寶訓就中有時

涉三冬事關慎獄者如洪武二十三年十二月癸亥太祖諭刑部尚書楊瑄等曰自今惟犯十惡并殺人者論死餘死罪皆令輸粟北邊以自贖力不給者或二人或三人併力輸運仍令還字條背以行翰林學士劉三吾等曰聖心仁恕垂念及此罪人受更生之恩矣太祖曰惡民犯法如啗飲食嗜之而不知止設法以防其犯而犯者益多惟恕以行吾仁而仁或可濟三吾曰三代而上刑罰嘗簡本仁恕也三代而下刑罰嘗濫以嚴刻也

太祖曰善為國者惟以生道樹德不以刑殺立威永樂
四年十一月法司進月係囚數成祖聞之凡數百人大
辟蓋十之一諭刑部尚書呂震天理寺少卿虞謙等曰
既非該死罪今天氣寒互而悉係不決必有死不當罪
者誰之過耶凡雜犯死罪以下約二百悉准贖罪例發
遣大辟係聽決永樂九年十一月刑科都給事中曹潤
等言曰昔陛下以天寒念獄囚淹滯勅近職就獄審錄
輕即釋之臧竊見其中有淹滯一年之上者且一月之

間瘼死九百三十餘人使罪重者不得示懲而輕者死
于無辜成祖詔法司諭之曰朕于一物不忍傷害况人
命乎爾等不體朕心寬濫如此縱不畏國法猶不畏陰
譴耶姑記爾罪徒流以下期三日內皆決赦重罪留係
者亦須矜恤無令死于飢寒永樂十年十月初三法司
出條囚之輕者輸作贖罪有病令順天府遣醫療之永
樂十二年十一月成祖曰方今嚴冬國固有罪者固難
決放無辜者並受幽係飢寒瘼死非德政也爾等即具

成獄及所疑者進來朕親閱之宣德四年十月以皇太子千秋部下寬恤之命減雜犯死罪以下宥笞杖及枷鎖者以及世宗神宗每遇冬月或以災異修刑或以覃恩希德是寒審雖無近例可循而先朝間施寬大正以裂膚墮指之威倍增柱枯桁楊之慘深宮偶一發念寒谷旋已回春列聖相沿時屆寒暑未有不以存恤係因為惓惓者我皇上天縱之資同符二祖中興之烈媲美世宗如清理一事創自淵衷垂為鉅典以故三春元早

天日陰靈而自庶獄一清之後甘雨應期和風協至近
且邊烽息警秩事告成從知皇極為庶徵之符益見祥
刑乃銷兵之象職等尚擬刊刻成書請旨宣付史館布
告天下以昭曠世無外之仁揭百代維新之制皇上若
推廣列聖宥刑之德意與近日清獄之弘慈而更需為
寒審之仁政予以召和集慶所關治化非淺鮮也

盧溝築城

十月盧溝橋城成賜名拱極初內侍曾化淳建議于盧

滿橋築城管工內侍仗剋工銀執塗人受役怨聲載道

熹宗實錄

十月給事中馮元飈以天啟六年事蹟拘于逆案諸人
顧忌不肯纂成實錄乃上疏曰臣待罪禮科與開學故
每見鉅重諸務類多廢弛習為固然莫之省究如謚法
五年一舉所以風世也今或有再訪而無一報歷法終
古不易所以奉天也今或持各是而滋大疑積怠成荒
蓋難枚舉第以四郊多壘未敢具陳至若實錄一書則

禹世是非之衡亦一時勸懲所持也凡禮樂沿革征伐
次第刑政施設群臣功過四夷朝貢之類莫不其載太
祖高帝曰國史貴于直筆是非善惡皆當書之使後世
觀之不失其實世宗肅皇帝曰史之可否一出于公非
公則鬼神亦察之在祖宗之世重史若此而又慮其書
藏之金匱副在秘書人欲見之有不可得更就其事輯
為寶訓以傳于天下使天下賢者有所勸而不忠不孝
之臣有所畏至盛典也我雖虛朝以來御世長久事跡

樂重實錄之成無踰至數年者今熹廟之政前後七載
實錄故事以月係年總其成書不過八十餘卷耳夫古
之修史者或訪諸故老或訪及輜軒故其編次至煩折
衷非易若我昭代則法制既詳官事畢具在翰林有起
居之職在六垣有章奏之抄在內閣有宗擬之籍纂輯
庶對宣待九年何徇何疑坐成廢閣此固非一政一事
之盡情也臣嘗誦孟子曰孔子成春秋而亂臣賊子懼
天啟之間是稱陽九其為忠逆殆亦多述法戒所陳至

非渺小徒以實錄未上寶訓弗傳遂使衆志紛營猶思
援涸保奸舉逆蠅集兔爰外惡未寧其漸方長臣所竊
竊民抱深憂非敢過執硜迂徒于奮武之秋漫作揆文
之論也

豫教太子

十二月河南府推官湯開遠疏言臣聞皇太子天下本
也而尤以豫教為急前者皇上允諸臣之請以春仲出
閣講學蒙養實始聖功于述重光父作千萬年長治久

安皆由于此豈非今日第一盛事哉乃微臣芹曝之獻
以為今日皇太子論學不必遠有所法皇上法祖太子
法皇上足矣蓋從來言教不如身教諸臣以經書為開
陳是以言教也皇上以金玉為模範是以身教也父子
之氣脈最親朝夕之觀摩尤捷而皇上行一二善事已
足為四海之宗則今日所宜加意臣謹列其大者望聖
明垂聽焉其一在見天心皇上敬天一念千古無兩不
謂邇來氣氛頻見皇上日勵群工以修省然臣以為人

臣修事入主修意則慎猶是也皇上誠于萬幾之暇時
時看未發氣象覺我心天心渾然無間則喜怒自平用
舍自當中和致而位育臻使皇太子見之亦于此操存
涵養他日叅贊事業取之穩微裕如皆皇上教之也太
祖高皇帝諭博士孔克仁略曰教之道當以正心為本
心能正則萬事皆理矣苟蕪之不以正其害可勝言卿
等宜輔以實學毋徒效文士記誦詞章而已大哉王言
夫正心必先誠意此天人合一內聖外王之學決非耳

目可證在皇上亟以身嘿示之而已一在邠民窮今天
下苦于寇苦于兵苦于水旱如臣所屬之中州死汝南
直之英霍赤地千里遺民之不去為盜者惟奄奄待斃
而已臣向為中州乞賑紫奉旨議蠲臣以為遺民骨髓
都盡其蠲之固蠲也即不蠲之又安有升斗以應追呼
與以蠲之虛名不如賑之實惠皇上宜乘此大勦之時
亟發帑金數萬特遣廷臣分道散賑既以大需望仁使
知有生之樂又以收拾民心使無從寇之憂計未有便

于此者使皇太子見之他日念切如傷世稱宣弟君子
則我皇上教之也昔成祖文皇帝聞皇太子發粟賑山
東飢民喜曰昔范仲淹之子猶能舉麥舟濟其父之故
舊况百姓吾之赤子乎則今日議賑所裨儲養生民非
淺鮮矣一在優大僚臣觀年來三事九列逮儼相踵雖
其蒙譴各有本末然或一時偶誤而經年累月之勞未
可盡泯又或率屬偶踈而立身行己之大未可盡識則
量從寬政以示恩于蓋帷即彰教于真裘使皇太子見

之必且尊師而重傅庶講帷開陳不付之漠漠即今日
之學益已多昔成祖文皇帝諭皇太子略曰文武群臣
皆朕所命雖有小過勿遽折辱聽聖祖式穀教語且不
欲後人輕其臣又豈肯自薄其臣哉一在容直言聖上
擴如天之度間以言事蒙譴者亦次第錄用然尚有褫
奪經年環賜宜庶如以宗選為却願之論其實意專于
為國如以召對多過激之說其實心存于報主又如以
請罪涉溢美之詞其實情迫于為文諸如此類臣未敢

教舉當此慎選官僚之時倘各選致物或參譎讀之班
或廁侍從之選使皇太子見之知皇上之能受直言如
此皇上之雨露風霆無成心如此他日以主聖臣直媿
美則皆皇上教之也昔太祖高皇帝諭皇太子略曰汝
宜親噴樂善以廣聰明逆已之言必求其善順已之言
必審其非如此則是非不濶理欲判然天下之事可得
而治矣天言有順逆而治忽闕焉則聽納豈獨為諸臣
地哉一在寬拙更從來外吏轉陞以三年為率近日郡

縣有司以錢糧恭罰遂多淹延五六年不遷者臣以為
有司而果不肖耶宜速去之為快何得以逋賦久任聽
其年復一年猴冠虎噬有司而果賢也而處萬難湊手
之地才力既無可施精神亦復不振于地方寧有濟乎
臣以為宜勅銓部將有司見經叅罰者查係真正兵荒
地方為核其官評分品陞轉毋使不肖者終年肆毒而
賢者蹙蹙靡騁至人地兩誤也使皇太子見之他日不
以催科政拙遂絀賢良則皆皇上教之也昔太祖高皇

帝諭望太子曰武帝任張湯而政事衰光武襲卓茂而
王常成此事甚明可為深鑒夫吏治以兩漢為最加卓
茂輩其不以催科先撫字明矣一在薄言利今日軍興
秀才司農為目至議加派議開採亦不得已之計矣臣
以為議生于額外不加核實于額中今天下之財不在
皇上亦不在民大半為債帥墨吏所有以幾千萬之金
錢供不戰不守之兵以加二三之火耗養肥身肥家之
吏則今日清冗懲墨斷宜實實加必而此外一應內供

之可緩者或暫停或暫減而以全力注之軍需庶賦不加而用自足總之入主即當至窘至迫之時仍宜存不盡利以遺民之意使皇太子見之他日亦不以外本充內末成一代清心令德之主皆皇工教之也昔太祖高皇帝諭望太子曰凡一切居處服用之間必念農之力取之有制用之有節使不至于飢寒方盡為上之道若復加之橫歛則不勝其苦矣臣以為今天下幾無民矣寧獨飢寒尚堪此額外誅求否一在疏滯獄屢勸明育

而淹繫仍多甚至縲纆苦楚則以爰書屢經聖駁而問
官又苦訊鞠再三詳慎無可加推有觀望淹延以俟天
威稍霽今時值三陽開泰萬物向榮臣謂天下在慶皆
春惟獄無春疫氣盛行死亡枕藉方春在獄為甚望上
倘于一應訊鞠早為俞結使無顛連犴狴至如近日士
夫逮繫或中毒于訛棍固當立解經羅之慘或發憤于
去輔亦宜弘解網之仁真令人嘆天地之春有窮皇土
之春無窮使皇太子見之他日不以詳慎累步金皆望

上教之也。昔成祖文皇帝諭皇太子曰：前命爾覆審重囚，爾奏乞貸其死，見爾重惜人命，然實惡不可宥。其餘雜犯死罪以下，悉准所言。夫聖祖于雜犯死罪尚樂從寬宥，况罪不至死者乎！凡此皆教之大者也。皇上既以身為儀，而輔臣講臣又以正言正事開導，不較睿質有不就粹精聖學，有不就光明者，或臣以書生管窺妄效，齊曝不識忌諱，伏乞聖明矜察。